



**ZAPISNIK O RADU 21. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 01.04.2022. GODINE*

Broj: 01-GV-02-558/22  
Sarajevo, 01.04.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
9. Marijela Hašimbegović, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
10. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
11. Bajro Biber, predsjedavajući Kluba gradskih vijećnika „USD-BOSS“
12. Elvedin Korora, predsjedavajući Kluba gradskih vijećnika „Korora/Skorupan“
13. Mila Eminović Rizvanović, sekretar Gradskog vijeća

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 9.20 sati, pozdravi prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa 12 glasova „za“, bez glasova „protiv“ i jednim „suzdržanim“ glasom **je usvojio** Zapisnik o radu 20. sjednice Kolegija Gradskog vijeća, održane 23.03.2022. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 21. sjednice Kolegija Gradskog vijeća, tako da glasi:

1. Priprema za održavanje 15. sjednice Gradskog vijeća Grada Sarajeva
2. Priprema za održavanje Svečane sjednice Gradskog vijeća Grada Sarajeva u povodu 6. aprila - Dana Grada Sarajeva
3. Tekuća pitanja

#### **Ad1)**

#### **Priprema za održavanje 15. sjednice Gradskog vijeća Grada Sarajeva**

##### *a. Termin održavanja sjednice i dinamika aktivnosti u pripremi sjednice Gradskog vijeća*

Član Kolegija Vedad Deljković je napustio sjednicu Kolegija u 9.30 sati radi ranije preuzetih obaveza.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 15. sjednica Gradskog vijeća će se održati u **srijedu 27.04.2022. godine** u Vijećnici sa početkom u **10.00 sati**;
- Predlagači će materijale dostaviti Predsjedavajućem najkasnije u **petak 08.04.2022. godine do 9.00 sati**;
- Sjednice radnih tijela, u pripremi 15. sjednice Gradskog vijeća, će se održavati počev od **ponedjeljka 11.04. do petka 15.04.2022. godine**;
- Pozivi gradskim vijećnicima za 15. sjednicu Gradskog vijeća će se uputiti u **srijedu 20.04.2022. godine**.

##### *b. Praćenje realizacije Programa rada Gradskog vijeća Grada Sarajeva*

Konstatovano je odnosno zaključeno sljedeće:

Izveštaj o izvršenoj reviziji izvršenja nalaza upravne inspekcije, svih općih i pojedinačnih akata organa Grada Sarajeva donesenih u periodu mandata organa Grada Sarajeva 2016. – 2020. godina, a koji se odnose na organizaciju i djelokrug organa uprave i drugih službi u Gradu Sarajevu, unutrašnju organizaciju i sistematizaciju radnih mjesta, radne odnose u organima uprave i drugim službama Grada Sarajeva, te ostvarivanju prava iz radnog odnosa, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 15. sjednice Gradskog vijeća.

Informacija o visini cijena ulaznica za Trebevičku žičaru sa prijedlogom mjera za eventualnu korekciju cijena, prema informaciji dobivenoj od predsjednice Skupštine JP „Sarajevo“ d.o.o., **je spremna** i očekuje se da će biti uvrštena u prijedlog dnevnog reda 15. sjednice Gradskog vijeća.

Informacija o realizaciji projekta sanacije, restauracije i kolorističke obnove fasada za 2021. godinu, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 15. sjednice Gradskog vijeća.

Izveštaj o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2021. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 15. sjednice Gradskog vijeća.

Nacrt Odluke o davanju saglasnosti na Memorandum o saradnji Grada Sarajeva i Fonda dijaspora invest pod okriljem USAID-a, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 15. sjednice Gradskog vijeća. Gradonačelnica je upoznala članove Kolegija da će naziv materijala biti izmijenjen tako da glasi: Nacrt Odluke o davanju saglasnosti na Memorandum o saradnji Grada Sarajeva, NVO „Naša perspektiva“ i Sarajevske regionalne agencije (SERDA).

Informacija o mogućoj saradnji sa Udruženjem likovnih umjetnika Bosne i Hercegovine i Udruženjem likovnih umjetnika primjenjenih umjetnosti i dizajnera Bosne i Hercegovine s ciljem razmjene umjetnika i umjetničkih događaja u projektima međunarodne saradnje Grada Sarajeva, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 15. sjednice Gradskog vijeća.

Gradonačelnica je upoznala članove Kolegija da će naziv Informacije biti izmijenjen tako da glasi: Informacija o mogućoj saradnji s JU Collegium artisticum s ciljem razmjene umjetnika i umjetničkih događaja u projektima međunarodne saradnje Grada Sarajeva.

Prijedlog Odluke o podizanju spomenika bosanskom kralju Tvrtku I Kotromaniću, planiran za razmatranje u aprilu mjesecu, će biti pripremljen nakon provedene javne rasprave na Nacrt Odluke o podizanju spomenika bosanskom kralju Tvrtku I Kotromaniću, obzirom da će Gradsko vijeće Grada Sarajeva na 14. sjednici, koja će se održati 04.04.2022. godine razmatrati Nacrt Odluke o podizanju spomenika bosanskom kralju Tvrtku I Kotromaniću.

Nacrt Odluke o podizanju spomenika civilnim žrtvama Grada – Kantona Sarajevo prema informaciji Gradonačelnice, **nije spreman** i neće biti uvršten u prijedlog dnevnog reda 15. sjednice Gradskog vijeća obzirom da je potrebno da nadležna gradska služba u saradnji sa Općinom Centar i Zavodom za planiranje razvoja Kantona Sarajevo provede potrebne aktivnosti na iznalaženju adekvatne lokacije na kojoj bi se podigao spomenik.

\*\*\*

**Benamina Karić, gradonačelnica Grada Sarajeva** je upoznala članove Kolegija Gradskog vijeća sa aktivnostima vezanim za realizaciju podizanja Spomenika bosanskim specijalcima, po zahtjev Udruženja veterana Odred policije „Bosna“.

Također je upoznala članove Kolegija da će 04.04.2022. godine biti otkrivena Spomen-ploča poginulim pripadnicima Zelenih beretki pri akciji oslobađanja kote 1162 - Vidikovac na dolaznoj stanici Trebevičke žičare Ramo Biber, te da se privode kraju i aktivnosti na postavljanju Spomen-obiježja „HVO Sarajevo“, kao i da je, u cilju realizaciji inicijative gradskog vijećnika Muamera Mekića, pokrenut postupak podizanja Spomen-ploče poznatom sarajevskom kolporteru Marku Didoju, poznatijem kao Markan, na Carevom mostu, mjestu gdje je prodavao novine.

U raspravi koja se odnosila na podizanja Spomenika bosanskim specijalcima je učestvovao član Kolegija Seid Škajlić, a dodatna pojašnjenja dala je Benamina Karić, gradonačelnica Grada Sarajeva.

\*\*\*

Prijedlog Odluke o usvajanju strateškog akcionog plana za jačanje institucija kulture i kreativnih industrija u Gradu Sarajevu prema informaciji Gradonačelnice, **je spreman** i očekuje se da će biti uvršten u prijedlog dnevnog reda 15. sjednice Gradskog vijeća.

c. *Teme planirane Programom rada Gradskog vijeća Grada Sarajeva za 2022. godinu u januaru, februaru i martu mjesecu*

Nacrt Statuta Grada Sarajeva, planiran za razmatranje u martu mjesecu, će biti uvršten u prijedlog dnevnog reda 15. sjednice Gradskog vijeća ukoliko Komisija za Statut i akte utvrdi konačnu verziju Nacrta Statuta Grada Sarajeva.

Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 2015. - 2035. godina i obaveznoj primjeni mjera zaštite ventilacionih koridora, planirana za razmatranje u martu mjesecu, prema informaciji Gradonačelnice, **nije spremna** i neće biti uvrštena u dnevni red 15. sjednice Gradskog vijeća.

Prijedlog Odluke o uslovima i načinu dodjele „Šestoaprilske nagrade Grada Sarajeva“, planiran za razmatranje u martu mjesecu, prema informaciji Gradonačelnice, će biti pripremljen i predložen za razmatranje na sjednici Gradskog vijeća nakon što budu razmotrene primjedbe i prijedlozi Odbora za dodjelu „Šestoaprilske nagrade Grada Sarajeva“ u 2022. godini.

\*\*\*

Prijedlog Strategije razvoja Grada Sarajeva za period 2021.-2027. godine prema informaciji Gradonačelnice, **je spreman** i očekuje se da će biti uvršten u prijedlog dnevnog reda 15. sjednice Gradskog vijeća.

**Jasmin Ademović, predsjedavajući Gradskog vijeća** je istakao da je potrebno Prijedlog Strategije razvoja Grada Sarajeva za period 2021.-2027. godine dostaviti do petka 08.04.2022. godine do 09.00 sati obzirom da će Prijedlog Strategije biti razmatran na sjednicama svih radnih tijela Gradskog vijeća, a čije sjednice počinju od ponedjeljka 11.04.2022. godine.

\*\*\*

Zatim je podsjetio na dvije informacije planirane u Programu rada Gradskog vijeća Grada Sarajeva za 2022. godinu sa rokom: kada se steknu uslovi, a prije razmatranja Nacrta Statuta Grada Sarajeva, i to:

- Informacija o stanju u oblastima iz samoupravnog djelokruga Grada Sarajeva sa prijedlogom mjera i aktivnosti koje bi Grad Sarajevo preduzeo s ciljem poboljšanja stanja, a koje uključuju i izmjene ili usklađivanja, odnosno donošenje određenih gradskih propisa.
- Informacija o stanju u oblastima iz djelokruga prenesenog Gradu Sarajevu zakonima drugih vlasti sa prijedlogom mjera i aktivnosti koje bi Grad Sarajevo preduzeo s ciljem poboljšanja stanja, a koje uključuju i izmjene ili usklađivanja, odnosno donošenje određenih gradskih propisa.

**Benjamina Karić, gradonačelnica Grada Sarajeva** je upoznala članove Kelegija da navedene informacije nisu pripremljene za 15. sjednicu Gradskog vijeća, ali da će biti pripremljene za jednu od narednih sjednici Gradskog vijeća, a do razmatranja Prijedloga Statuta Grada Sarajeva, na sjednici Gradskog vijeća.

*d. Novi prijedlozi:*

**Benamina Karić gradonačelnica Grada Sarajeva** je informisala članove Kolegija da će za 15. sjednicu Gradskog vijeća predložiti i sljedeće materijale:

1. Prijedlog Odluke o platama i naknadama u organima Grada Sarajeva
2. Informacija o realizaciji Odluke o davanju saglasnosti za potpisivanje Sporazuma sa Gradom Šanliurfa, Republika Turska za podizanje dva (2) jarbola sa zastavom Grada Sarajeva i zastavom zvanične maskote XIV zimskih olimpijskih igara
3. Informacija o modelu energetske efikasnosti
4. Informacija o poduzetim aktivnostima na izradi Regulacionog plana „Sarajevogas-Bosnalijek“

**Benamina Karić, gradonačelnica Grada Sarajeva** je najavila da će za 15. sjednicu Gradskog vijeća predložiti i dostaviti Predsjedavajućem Gradskog vijeća još neke materijale, koji su u pripremi.

**Ad 2)**

**Priprema za održavanje Svečane sjednice Gradskog vijeća Grada Sarajeva u povodu 6. aprila – Dana Grada Sarajeva**

U uvodnim napomenama **Jasmin Ademović, predsjedavajući Gradskog vijeća** je istakao da će se Svečana sjednica Gradskog vijeća Grada Sarajeva u povodu 6. aprila - Dana Grada Sarajeva održati u **srijedu 06.04.2022. godine sa početkom u 17.00 sati u Vijećnici.**

Istakao je da je potrebno da se gradski vijećnici upoznaju sa Programom obilježavanja 6. aprila – Dana Grada Sarajeva, te se do 14. sjednice Gradskog vijeća izjasne na kojim događajima u organizaciji Grada Sarajeva će prisustvovati, kao i na kojim lokacijama prilikom odavanja počasti i polaganju cvijeća.

Najavio je održavanje PRESS konferencije u Vijećnici, danas u 11.00 sati, na kojoj će zajedno sa Gradonačelnicom javnosti predstaviti Program obilježavanja 30 godina od opsade Sarajeva i aktivnosti planirane za 4. i 5. april 2022. godine, te, ukratko, upoznao članove Kolegija sa scenarijem Svečane sjednice.

Zatim je i **Benamina Karić, gradonačelnica Grada Sarajeva** upoznala članove Kolegija sa aktivnostima planiranim za 4, 5. i 6. april.

**Ad 3)**

**Tekuća pitanja**

**Jasmin Ademović, predsjedavajući Gradskog vijeća** je upoznao članove Kolegija da je u Zavodu za planiranje razvoja Kantona Sarajevo održana sastanak na kome su prisustvovali predstavnici svih gradskih općina i Grada Sarajeva te da je na sastanku donesen zajednički zaključak kakav je Gradsko vijeće već ranije usvojilo i uputilo Vladi odnosno Skupštini Kantona Sarajevo, a vezano za podršku Urbanim pravilima koja je predložio Zavod za planiranje razvoja Kantona Sarajevo, odnosno za zaključke Skupštine Kantona Sarajevo o primjeni mjera za zaštitu ventilacionih koridora.

Upoznao je članove Kolegija da je donesen i zaključak kojim se upućuje inicijativa Vladi Kantona Sarajevo da zatraži od Komisije za nacionalne spomenike BiH izmjenu i dopunu Odluke o proglašenju historijskog urbanog krajolika Sarajeva nacionalnim spomenikom BiH, tako da se omogući institucijama Kantona, Grada i gradskih općina provođenje nadležnosti u skladu sa Zakonom o prostornom uređenju Kantona Sarajevo.

**Jasmin Ademović, predsjedavajući Gradskog vijeća** je predložio da Kolegij Gradskog vijeća uputi Gradskom vijeću inicijativu da Gradsko vijeće usvoji zaključak:

Gradsko vijeće Grada Sarajeva upućuje inicijativu nadležnim organima Kantona Sarajevo da Komisiji za nacionalne spomenike BiH predoče problematiku s kojom su suočene centralne gradske općine, Grad Sarajevo i Kanton Sarajevo u svakodnevnom upravnim postupcima, odnosno pri izradi i donošenju provedbenih planskih dokumenata iz svoje nadležnosti, i zatraže od Komisije za nacionalne spomenike BiH izmjenu Odluke o proglašenju historijskog urbanog krajolika Sarajeva nacionalnim spomenikom BiH, kojom su oduzete nadležnosti organima Kantona Sarajevo, Grada Sarajeva, odnosno centralnim gradskim općinama, utvrđene Zakonom o prostornom uređenju Kantona Sarajevo, a što je neodrživo.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

Kolegij Gradskog vijeća upućuje Gradskom vijeću inicijativu da Gradsko vijeće usvoji **zaključak**:

Gradsko vijeće Grada Sarajeva upućuje inicijativu nadležnim organima Kantona Sarajevo da Komisiji za nacionalne spomenike Bosne i Hercegovine predoče problematiku s kojom su suočene centralne gradske općine, Grad Sarajevo i Kanton Sarajevo u svakodnevnom upravnim postupcima, odnosno pri izradi i donošenju provedbenih planskih dokumenata iz svoje nadležnosti, i zatraže od Komisije za nacionalne spomenike Bosne i Hercegovine izmjenu Odluke o proglašenju historijskog urbanog krajolika Sarajeva nacionalnim spomenikom Bosne i Hercegovine, kojom su oduzete nadležnosti organima Kantona Sarajevo, Grada Sarajeva, odnosno centralnim gradskim općinama, utvrđene Zakonom o prostornom uređenju Kantona Sarajevo, a što je neodrživo.

\*\*\*\*

U povodu razmatranja akta Centra civilnih inicijativa broj: 102/22 od 10.02.2022. godine - Razmatranje Izvještaja o realizaciji preporuka po Izvještaju o finansijskoj reviziji Grada Sarajevo za 2020. godinu, **Jasmin Ademović, predsjedavajući Gradskog vijeća** je prijedložio da Kolegij Gradskog vijeća uputi inicijativu Gradskom vijeću da donese **zaključak** i uputi ga Gradonačelnici:

Potrebno je za jednu od narednih sjednica Gradskog vijeća pripremiti i podnijeti Gradskom vijeću Izvještaj o realizaciji preporuka iz Izvještaja o finansijskoj reviziji Grada Sarajeva za 2020. godinu.

\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 09.50 sati.

*SEKRETAR GRADSKOG VIJEĆA*

*Mila Eminović Rizvanović, s.r.*

*PREDSJEDAVAJUĆI GRADSKOG VIJEĆA*

*Jasmin Ademović, s.r.*